



# **Universitätsbibliothek Paderborn**

**Vitae Sanctorvm**

**Lippeloo, Zacharias**

**Coloniae Agrippinæ, 1603**

Vita S. Hedvvigis Dvcissae Poloniæ, beatæ Elizabeth materteræ: Ex ea quæ est apud V. P. Laurent. Surium. a Migravit è corpore anno Christi 1243. Relata inter sanctos anno 1267. sequenti verò sacræ ...

**urn:nbn:de:hbz:466:1-42787**

## VITA S. HEDVVIGIS DVCIS SAE

Poloniae, beatæ Elizabeth materteræ : Ex ea <sup>a Teste C.</sup>  
 quæ est apud V. P. Laurent. Surium. a Migr-  
 atio. Notat. ad  
 nis è corpore anno Christi 1243. Relata inter  
 sanctos anno 1267. sequenti verò sacra eius Rom.  
 reliquie eleuata.

HEDVVIGIS illustri in terris stirpe <sup>15. Octob.</sup>  
 Horta, filia fuit magnifici Principis Bar-  
 tholdi, Marchionis Morauæ, Comitis

Tyrolensis: Matrem habuit Agnetem non mi-  
 nori generis dignitate illustrem . Fratres illi  
 fuere quatuor; Iorores tres; quarum vna Phi-  
 lippo Regi Franciæ nupsit, altera Andreæ Re-  
 gi Hungariæ , cui peperit laudatissimam il-  
 lam , & nunc in cælis gloriosam Elizabeth, <sup>S. Elizabeth.</sup>  
 Turingiæ Lantgrauiam , cuius sanctissimum <sup>vita</sup> habetur  
 corpus Marpurgei quiescit. Tertia soror Abba- <sup>19. Novembris</sup>  
 tissima fuit virginum Ordinis S. Benedicti , in  
 Lutzingensi Franconiæ monasterio. Vnus fra-  
 trum eius Bertoldus , Aquileiensis patriarcha  
 fuit; alter Elebertus Babenbergensis Episcopus:  
 reliqui duo Ottho & Henricus militiæ dediti,  
 patri in principatu successerunt.

Heduwigis verò optimis naturæ adiumentis  
 instructa, à teneris penè vnguiculis in mo- <sup>Imbuitur h-</sup>  
 nasterio\* Lutzingensi, sacris literis admota fuit; <sup>teris in mo-</sup>  
 quarum studio & tempus suæ iuuentutis expé- <sup>nasterio.</sup>  
 dit utiliter, arque ex earum intelligentia, post-  
 modum internarum consolationum & deuo-  
 tionis gratiam hausit excellenter. Cùm autem  
 annos natæ duodecim haud vulgarè de se pie-  
 tatis & prudentiæ specimen præberet; præcla-  
 ro Principi Henrico Duci Silesiæ & Poloniæ  
 collo.

*Nubit Hen-  
rico Princi-  
pi, ac Duci  
Silesie ac  
Polonie.  
Tob 4.*

*Proles eius.*

*Vouent con-  
tinuum.*

*Construit  
monasterium  
Tribunicie.*

*Vita S. Ger-  
trudis habe-  
tur 17. Mart.  
Vivit iuxta  
monasterium.*

collocata est: quem illa instar Sarę ex voluntate maximè parentum consensit suscipere. Cōiugali verò vinculo alligata, ita liberis procreādis operam dedit, ut tamen continētiæ legem, quantum quidem ex mariti consensu liceret, sibi indiceret. Nam simulac se concepisse sentiret, à viri toro usque ad puerperij completionem sese reuerenter abstinuit. Peperit autem tres filios, Boleslaum Conradum, & Henricum: totidemque filias, Agnetem, Sophiam, & Gertrudem: quibus in lucem editis, deinceps perpetuæ se continentia dedit. Vno enim animo parique consensu, cum Episcopi benedictione, perpetuæ continentia votū non multo post emiserunt in quo triginta circiter annostoro separati vitam duxère, castitatis pulchritudine mirificè decoratam.

Cæterū quia nouerat, in carne præter carnem viuere, nō minoris esse laboris quam meriti; ad complectendam conseruādamque carnis integratatem & castitatem, quoscunq; poterat, inuitabat: eiusque rei causa Trebniciense condidit monasterium: in quo multas fœminas pariter & virgines collegit; quæ Domino in cordis & corporis puritate iugiter seruirent: inter quas tuam quoque obtulit filiam Gertrudem: quæ illuc posteā cæteris præfecta, Abbatisse munus cum magna opinione sanctitatis administravit. Quin & ipsa quoque, Christi amore acriter inflammata, eō se cum parua cōtulit familia; ibidemque propè monasterium virginum (quod est Cistertiensis Ordinis) puram Domino obtulit seruitutē, marito adhuc viuente; eoque religiosa animi pietate, simili-

ter propè monacho effecto. Et licet institutum monasticum ibi professa non sit, videlicet ut *Vacat misericordia operibus & consolandis pauperibus.* liberius vacare posset, habitū tamen monacharum illarum induit, ac cum in monasterio existeret, in seruando silentio, alijsque monasterij institutis & legibus & vita asperitate monachas omnes antecellebat. Sicque conscientię puritate, bonorumque operum fructu, ita coram Deo & hominibus vtriusq; status vas omni sanctitate plenum apparuit, vt nemo id facile pro dignitate explicare queat. Si quis quidpiam molestiarum ei intulisset, nihil ab ea audiebat aliud, nisi hoc duntaxat, aut quipiam eiusmodi placide & leuiter ab ea prolatu: Certe, & cur hoc fecisti? Ignoscat tibi Deus. *Diffumere ius, si quis eam forte offendisset.* Ab esu carnium annis plus minus quadraginta *abstinentia eius.* omnino abstinuit. Dominica die, tertia & quinta feria, piscibus & lactarijs vescebatur; Sabbatho & secunda feria aridis contenta leguminibus, Quarto & sexto die panem solum aquamque gustabat; vino quoquis tempore vti nescia. Dominicis vero diebus & quibusdam magnis solenitatibus cogente Episcopo & confessarijs eius, bis piscibus & lacticinijs vtebatur, bibebatq; cereuisia. Porro alias in aduentu Domini, Quadragesima & sanctorum vigilijs duras eius abstinentias breuitatis studio praeterimus.

Ceterum corpusculum suum ieunijs attenuatum, & flagellorum ictibus liuidum hispicio. dumque, aspero domabat cilicio, è fetis equorum confecto, cui adiuncta erat similis generis zona nodosa, ad lumbos eius, rigide nimis adstri-

*Lectus eius.* adstricta. Lectus ei, vt decebat Principem fœminam, quidem præparabatur; at illa non in eo, sed tabulis ligneis, aut pauméto corio instrato incubabat: idque non nisi somno, post diutinas preces & vigilias, eam opprimente. Quod si debili & infirmo, nimiumque fatigato corpori interdum plusculum indulgere vellet, in straminibus pannō crasso opertis sese collocabat, culcitram molliorem, quantumlibet etiam ægrotā, semper repudians. Et quidem quia paucis explicari nō potest quo pacto hæc Christi famula carnem suam continentē crucifixerit cum vitijs & concupiscentijs, sufficiat eximium hoc Dominę Annę nurū eius, de

*En sufficiens* vitæ ipsius asperitate testimonium. Vitas (aie-  
teffimoniam) multorum sanctorum cognitas habeo: sed  
*rigide eius* nunquam quicquam in illis tam durū & aspe-  
*vite.* rum didici, quod non in Heduuige aut maius,  
aut consimile perspexerim.

Porrò cum in templis rebus interesset dimi-  
nis, adeò sese à cognitis ad incognita, de terro-  
nis ad cælestia, deq; visibilibus ad inuisibiliā,  
lachrymarū imbre abūdē perfusa trāsferebat,  
*Deuotio sub* vt interdum insensibilis appareret: vnde & di-  
*diuinis.* uini splendoris radios tanta quandoque intus  
*Effasēs eius.* copia percipiebat, vt nonnunquā corpus eius  
clara luce circumfusum e terra in aëra sublatū  
cerneretur. Sciens autem illa presbyteros sive  
sacerdotes tantæ esse dignitatis, vt dominū cæ-  
li & terræ tractent in sacramento altaris, atq;  
ea conferat quotidiè sacramēta quib. diuina as-  
sistente virtute fidelis sanctificatur & expiatur  
*Reuerentia* anima: sacerdotes & omnes qui in Clero sunt,  
*eius erga sa-* cerdotes. tum seculares tum religiosos multa reuerētia  
*prose-*

prolequebatur, ac eximio honore afficiebat. *Summa curia*  
 Ad Sacramentum Dominici corporis percipiendum accessura tam largiter flebat, tanto precandi, geuua flectedi, corporisque proster-nendi studio occupabatur, vt intuentes non ad *Altaris*.  
 deuotionem modò, sed etiam ad lachrymas efficaciter permoueret.

Habebat autem permultas sanctorum imagines & reliquias, quarum aspectu seipsam ad Christi amorē & venerationem Sanctorum excitabat: inter quas sanctissimam Dei genitricis imago gunculā quandam præcipuo honore prosequebatur, eamq; crebro suis, ituta ad ecclesiā gestabat manibus; qua cū lāguidis interdū bene-diceret, illicò, non sine miraculo, sanitatem con-sequebātur. Insita ei erat egregia animi clemētia; quā cum Christi pietas plurimum augeret: tum matrem se omniū pauperum, & præcipue viduarū atque orphanorū eximiam exhibebat *Benignitas* consolatrice; & aduocatā apud Ducem sanè fiduciam in pau-delissimā. Nō paucas quoq; puellas parentib. & peres & amicis orbatas, singulari apud se humanitate fouebat, singularūq; saluti diligēter prouidēs, alias matrimonio, alias, prout expedire videbatur, monasterijs tradebat. Habebat præterea in aula sua tredecim, afflicta valetudine pauperes, quos in Christi & Apostolorū eius honore, incredibili charitate tractabat: ita ut discubentibus nō tantū cōmuni officio ministraret, sed flexis genibus cibos singulis apponeret, verbisq; dulcissimis consolationem præberet. Propromiscua verò pauperum turba, singularem culinam & ministros quoque singulares depu-

deputatos habebat: qui e gentibus victui necessaria sedulò ministrabant.

*Claruit spiri-  
tu prophete-  
tice.* Porro de miraculis, magnis planè & admi-

randis, & prophetiæ spiritu, quibus in vita & post obitum fuit clarissima, operis vastitas singulariter nos scribere prohibet. Illud commemorasse sufficiat, quod imminentे mortis hora, cœlestium ciuium visitatione ad patriam claritatis æternæ inuitata fuit. Nam in agone constitutæ, SS. Magdalena, Catherina, Tecla, Ursula aliaque nonnullæ multa luce conspiciæ ei apparuerunt: quarum comitatu, sanctissima eius anima mortalitatis vinculis soluta, ad Christum migrauit.

*Vide Tom.  
19 Annal.  
L. Baron.*

*15. Octob.  
debas in  
pueribus.  
Paxia eum.*

*Patrum e-  
ius, quis.*

*Fuit Canoni-  
cus VVintonio-  
nensis.*

VITA S. OSVALDI VVIGO R-

niensis & Eboracensis Episcopi: ex ea quam St-

natus Brauonius, VVigorniæ monachus conser-

fit. Quo tempore claruerit & obierit patet

infra.

**B**Oswaldus clarissimo Anglorum stemmate prognatus, forma corporis eleganti, cum adhuc in puerilibus versaretur annis, vanas deuitans ineptias, sanctitatis opera atque studia sedulo secessabatur. Porro à parentibus suis, literis imbuendus commedatus est patruo suo Odoni Archiepiscopo Cantuariensi; viro sanè prudentia, discretione & iustitia insigni: nec non bonis exemplis optimis moribus conformandus eidem traditus. Cumque tum prophanis, cum diuinis literis apparet eruditus esset, VVintoniensis Canonicus effectus est. Vbi sanè ob oculos posito vita &

ordinis